

 V B d C. B. BILAUDEKA UNIVERSITATIS VILNENSIS	21574	
	III	Mag. St. D. P

Michael

*Babinski Lem. Hyai. Ternio gratiarum.*

PANEG. et VITAE Poln. Vol. JE 1380.
---







**T E R N I O  
G R A T I A R U M  
G E N T I L I T I A C R V C E,**

*ILLVSTRIS ac MAGNIFICI DOMINI,*

**D. MICHAELIS**

*de Szczepánow*

**SZCZEPANOWSKI,**

*D A P I F E R I Z Y T O M I R I E N S I S,*

**S I G N A T V S.**

*D U M*

**D. AGNETIS**

*de Monte Politiano introductio,  
ad Ecclesiam Ordinis Prædicatorum Insignis  
Conventûs Bochnensis,*

*Sumptu Ejusdem*

**ILLVSTRIS ac MAGNIFICI DOMINI,**

*ex antiquis parietinis relevatam,  
solenni institueretur apparatu,*

*P E R*

**M. SIMONEM HYACINTHUM BABISKI,**  
*In Alma Universitate Crac. Philosophiæ Doctorem & Professore.*

*Panegyricô cultu*

**C E L E B R A T V S.** *m.*

*Annô Domini MDCCXXVII. Dic 7. Septembris.*

**CRACOVIAE Typis UNIVERSITATIS.**



In Stemma  
 ILLVSTRIS  
 AC  
 MAGNIFICI  
 DOMINI.



21.574 III

**H**ÆC CRUX bella domat, laurus evincit ovantes,  
 Hoc signô semper vincitur omne nefas,  
 Hostica, bellipotens uno ferit agmina cornu,  
 Binô de victis laurea ferta refert.  
 Trina parte CRVCIS signatur Gratia trina  
 In Cujus quavis, Gratia parte latet.



ILLVSTRI  
AC  
MAGNIFICO DOMINO.  
D. MICHAELI  
de Szczepánow  
SZCZEPANOWSKI,  
DAPIFERO ZYTOMIRIENSI,  
Domino Mecænati  
Gratiosissimo.



Virtuti cuilibet singu-  
larem deberi laudem,  
nemo est, qui ambi-  
gat, munificentiae ta-  
men quòd necesse sit  
principaliorē tribu-  
ere applausum, nulla inconuenientia est.

ILLVSTRIS ac MAGNIFICE DOMINE MECÆNAS.  
Hæc equidem una virtus dum cæteras  
in se complectitur illarum etiam, ut an-  
tecellat encomia congruum est. In-  
grata quippe Cælo & ipsi exosa terræ  
parsimonia, sicut nihil in se continet,



quod vitiatum non sit, ita dispari modo placida Superis mortalibusq; liberalitas, singulariter si non profanos dissipetur in usus, & justo moderamine fiat, nihil in se complectitur, quod non sit virtuosum. Ego Prothasim posui Apodosis in Te est Illustris ac Magnifice Mecænas, qui inter alia virtutis Tuæ specimina, dum pro relevanda ex antiquis ruinis Sacra Ædemunificum impendis sumptum eo ipso debitum Tibi exquiris applausum. Ex hac liberalitate Tua, quam Bochnensis Sacri Prædicatorum Ordinis experitur Basilica, laudum Tuarum ampla fit materies, quia tamen illam exiguæ non sufficienter complectuntur pagellæ, ipsa tenuitatem excusat, quia supra calamum est, à benigno tamen Superum favore, ut exoptato omnigenæ felicitatis compensetur beneficiô Ædis relevatæ & proprium exprimo votum,

ILLUSTRIS ac MAGNIFICÆ  
DOMINATIONIS,

*devotissimus cliens & servus*  
Author Operis.



# TERNIO GRATIARVM CRUCE GENTILITIA SIGNATUS.



Nitiale laudum Tuarum exordium, quò uberius ex omni promanat fonte eo difficilius intra exiguos paginarum margines comprehendipoteft. Ampla equidem virtutem Tuam concernentium elogiorum exuberantia, si imbecillem Encomiaftæ Tui excedit

B dit



dit capacitatem, quomodo intra exiles  
comprehendetur pagellas? Quilibet  
fons Oratorius in Tuam exundat apo-  
theosim, & eo ipso audentem in Tui  
cultum Nominis terret accessum. Tuæ  
circumstantiæ solæ magnæ virtutes  
sunt, sed quidquid illis accedet Orato-  
rium, erit illis impar. Divisionem non  
admittis, qui etiam compositionem  
laudum præcellis. Singularius Tibi de-  
beri encomium à cunctorum opinio-  
nibus desumitur, quod nam tamen suf-  
ficienter Te concernat, nec opinari con-  
ceditur. Cadit nec securo eventu in  
Tuas consurgere audet apotheoses im-  
bellis Eloquentia, quæ Tuorum gesto-  
rum opprimitur gravitate, & quantò  
celliores Tuas attentat virtutes, tantò  
humilius serpere videtur. Munificen-  
tia Tua, quæ in thema dictionis abit  
inopem facundiam reddit, ad cuius va-  
lorem supellectilis Oratoriæ pretium  
vilescit. Svavissima laudis portio Tibi  
Dignissimo oblata Dapifero infra gu-  
stum est, quia sufficiens Tui elogij habe-  
re non



re non potest condimentum. Cerussa-  
ti Oratorum flores pudore suæ vilita-  
tis coacti meritò emarcescunt, dum &  
odore Tuæ gloriæ & vernanti semper  
meritorum florilegio superantur. Mi-  
cantes Cælestis axis stellas computare  
perarduum opus est, multiplicatam vir-  
tutum tuarum pluralitatem in Oratori-  
um reducere numerum ejusdem diffi-  
cultatis negotium. Implent Tua en-  
comia scripturientem calamum, sed  
eo ipso commodè exprimi non pos-  
sunt. Materialaudis Tuæ ampla est, sed  
quia pluribus etiam Oratorijs formis  
compleri non potest difficulter tractan-  
da proponitur. Supra sublime dicen-  
di genus Tuum sublimius est, & suo  
splendore Oratoria lumina extingvit.  
Signum Tuum Gentilitium, crux  
Te laudantibus est, cujus figura nullo  
Rhetorico schemmate condignè expri-  
mitur. Tu ipse MICHAEL omnes  
de Tuis cogitantium encomijs Supe-  
ras conceptus, & elevatissimum etiam  
Tuīs virtutibus transvolas stylum. Por-



ro pulchrum est de Te scribere, sed sufficienter nulli calamo concessum, gloriosum est Tuas attentare laudes, sed illas attingere raris permissum mihi denegatum. Verum audentem Tua gratia juvabit; & inflexæ sub pondere virtutū Tuarum tenuitati in ulteriores surgere permittet laudes. Licuit Homero Magna Achillis opera in pusillo Iliadis coarctata opere exiguo nucis includere putamini, & mihi à Te concedetur facultas intra exiguos pagellarum margines Tuas virtutibus ampliatas celebrare laudes. Si humilis facundia est in Te sublimabitur, si levis stylus est Tuum nomen gravem efficiet, si vilis ex se hujus operis apparatus est, ex Tua liberalitate de qua instituitur pretium mutuabitur. CRVX Tua Gentilitia faustum mihi porrigit omen, MICHAELIS ethymus pennas subministrat, Sacra per Te relevata Ædes in domicilium abit, ex quo laudum Tuarum fumatur argumentum. Lapidēs de Sacris ejus parietibus clamant, & sub  
Gen-







tem sub cuius auspicio, bella movebat,  
& alios plurimos, quibus rerum suarum  
commendabat eventus, ast præter hos  
& inter Dearum numerum, in quo, Ju-  
nonem pro amicitia vitæ, Cererem pro  
abundantia frugum, Divino dignaba-  
tur cultu, etiam tres Gratias, à quibus  
omnes experiretur favores, referebat.  
Erant superstitione imbuta Numina, ni-  
tenti fûla metallô tres uno nexu jun-  
ctæ Charites, speciei paritate & non dis-  
simili ætatis expressione adumbratæ,  
quas, inclytas Summi Tonantis antiqui  
dicebant esse filias. Blando se colen-  
tes intuebantur oculô, fronte læta &  
gratiolo gestu omnium favorum polli-  
citanes dona. Perfectionem gratiarû  
cæco errore ducta agnoscere vellens  
antiquitas trinas sub trino veneraba-  
tur nomine, Aglagiam Thaliâ & Eu-  
phrosinen. Ab his quæ cæteri recusa-  
bant impertire Dij supplices priscorum  
impetrabant cultus, & consilia & hono-  
rum possessiones, & belli eventus, & vi-  
ctrices palmas sub earum auspicio feli-  
citer



citer reportabant. Pro clariori majoris earū venerationis documento pomposum eis munifici cultores exstruxerant, quod Mygdonico condiderunt marmore, Syculo texere metallō, firmis stabilivere basibūs, terno accessum ampliavere gradu & sumptuosis munivere valvīs. Sed procul hinc cedant sæculi figmenta prioris, dum veriore gratiarum ternionem, Gentilitia Magnæ SZCZEPANOVIORVM Domūs CRVCE signatū veneramur. Tempus edax rerum & cunctis invidiosa vetustas marmoream solo æquavit structuram, cujus, inhabitantes trinas obruit ruina sorores. Fabrefacti metallō flores, quibūs superstitiosæ coronabantur Dæ in fatales eisdem commutati cypressos. Per superba limina profanis Deabus facilis successit descensus Averni, & sūptuosæ valvæ indignam oculis idololatriæ clausere scenam. Feliciori omine hic Gratiarum ternio Tua Gentilitia signatur CRVCE, quæ nihil non benignum, nihil non gratiosum desi-



gnat. Posset hic imò deberet, à primis  
Illustrissimæ Domus Tuæ fundamentis  
firmum hujus Apodicticæ veritatis de-  
sumi stabilimentum, sed ejus magni-  
tudo imbecillem terret animum. Te  
ipsum hic humilis acolito cultu venera-  
tur penna, & ad Tuos sanguinis Illu-  
strissimi non audet descendere fontes,  
exuberanti Tui ipsius encomiô circum-  
fusa. Tuæ virtutes satis ex se splendidæ  
sunt, non est necesse illas fatali Abori-  
ginum cinere expoliri. Posthumis vi-  
ctura sæculis Tuorum rectefactorum  
gloria, non opus est ut inanimatis mor-  
tuum simulacrâs animetur. Verius  
dicam initialem Domus Tuæ lineam  
tangere non meum est, quam tot & tan-  
ti Domus Tuæ Illustrissimæ laudatores,  
ducere inhoabant, sed non continuave-  
re, ego hanc totam in Te uno veneror  
& admiror. Sufficiet mihi dicere, quòd  
de Tua Illustrissima Domo famosô re-  
deuntia sæcula cursu repando loqvun-  
tur ore solas in illa residere gratias nun-  
tiando. Quæcunq; rectefacta in Tua  
magna



Magna coluntur Domo, omnia Grati-  
as spirant & sua Gentilitia signant Cru-  
ce. Erudita consilia, quibûs Illustris:  
SZCZEPANOVlj suam juvabant Pa-  
triam Aglagiæ nomen habent, Fervens  
pietas, quâ erga honorem Divinum &  
Ecclesias ardebant, Thaliæ Ethymum  
fortiuntur, Heroica dexteritas, quâ le-  
gum immunitatem Libertatisq; inte-  
gritatem imperfractò tuebantur cona-  
mine Euphrosinen præsentant, & Ter-  
nionem Gratiarum sua Gentilitia signa-  
tum cruce se ipsis probant. Habuit hæc  
Illustr: Domus acerrimos Honoris Divi-  
ni, zelô pietatis in Ecclesiam Succéssos  
Defensores, inter quos pretiosiore Ru-  
biconem roseo Martyrij sui Sanguinis  
splendentem purpurissô inæstimabile  
Cracij Vavelli Clenodium & Metropo-  
litanæ Pretium Infulæ Cælo donavit, &  
illo Lechicum ditavit Orbem. Porro:  
quoties Tua Illustrissima Domus in fir-  
manda pace, in seditionibus fugandis,  
in removendis hostium impetibus, in  
legationibus arduis præclare & feliciter

D

obe-



obeundis, in magnis Reipublicæ offici-  
js cum dignitate suscipiendis desudavit,  
quoties & Ecclesiæ DEI gerendæ, & Pa-  
triæ defendendæ, & Reipublicæ ornan-  
dæ insignes cum laude subministravit  
Viros, arduum esset, nec meæ imbecil-  
litati convenies longas de singulis te-  
xere historias, dicere sufficit quemlibet  
SZCZEPANOVIVM in dando judi-  
cio Consum, in protegenda Religione  
& Ecclesia Numam, in defendendis le-  
gibus Lycurgum egisse prudentissimū.  
Quidquid agnovit in recte factis Atavo-  
rum Tuorum id totum gratias sibi da-  
tas experiebatur Lechia & Ecclesia. Cō-  
siliū SZCZEPANOVIORVM, quo  
etiam malignantia avertabant nego-  
tia, gratia est, bellica fortitudo, qua im-  
munitatē Lechici & Divini tuentur Ho-  
noris Gratia est, triumphales laureæ,  
quas in Sarmatico uberrimè plantavere  
campo, Gratia sunt CRUCE Gentili-  
tia signatæ. Hæc quæ dixi Tua sunt,  
Mecænas Gratosissime, qui hunc Gra-  
tiarum Ternionē in Te ipso complecte-  
ris.



ris. Non invidemus elapsis Tuos Ata-  
vos sæculis hos omnes in Te uno haben-  
do. De Te solo agere meum munus est,  
ex quo insigne totius Domus erumpit  
incrementum. Tibi collectas singula-  
riori beneficio impertivit natura dotes,  
quas in Illustr: Tuos quandoq; disper-  
sit Avos:

*Quem pietas, quem cana, fides jucundaq; mitis  
Temperies animi, manans celi limpidus amnis,  
Corda, animos mulcens commendat gratia sancti,  
Et Themis, & firmò nitens prudentia Thala  
Ante omnes illustrat Avos.*

Excelsam Tuam mentem, tantum ad-  
mirabundus colo, in qua Musæ etiam  
sapere videntur. Heroicam virtutem  
dictis exprimere nequeo, quæ si cuili-  
bet Tibi singularius innata SZCZE-  
PANOVIO, qui nominis ipsius timen-  
dus sono MICHAEL, vel hoc ipso Tu-  
am defendis Patriam, dum Ecclesiam re-  
parando tueris. Ast has virtutum Tu-  
arum dotes, quarum pulcherrimū com-  
pendium es in uno munifico conspicio  
sumptu, quò Sacram Ordinis Prædica-  
torum Insignis Conventus Bochnensis



Basilicam ex vetustis parietinis relevasti. Indignus memoria Herostrates per desolatum Ephesinæ Dianæ fanum in historijs sæculorum esse voluit, hoc ipso famæ suæ perditor, quia avido. Tu Mecænas Gratiofissime satis magnum nominis Tui, vel exinde habes incrementum quòd sanctioris Dianæ Immaculatæ Virginis MARIÆ Sacram Ædem ex antiquis per XVIII Annorum lustra fumantibus ruinis munifico erexisti sumptu, in qua dum DEI jam evanescentē gloriam innovasti novum Tui honoris fecisti augmentum. Hæc pompola Ædes, quam ante quatuor prope sæcula Regius erexit Thesaurus, quam fortis cōstituebat lapis, artificiola cōmēdabat structura delicat⁹ Apellis exornabat penicillus, stabilitæ firmabant bases coctiles tegebāt imbrices, compta circumstabant Altaria, & fragrantia replebāt Thura hæc malignanti edacis temporis vicissitudine; deflendis per tot annos sepulta in ruderibus, modò tandem faustiori eventu, ad Sacrum Gentilitij Stemmatidis  
signum



signum reviviscit. Faceffent imò cessent neceffe fomenta veritatis, antiqua vatum laurigerorum comenta, quòd solidum robustus Atlas sustentet Olympum. Parvum est imò nullum fortitudinis documentum, hoc sustentare, quòd nullum lapsûs horret nocumentû. Cæ-  
lû Sacra Ædes, nō mirû, quòd casû subeat, quia terrestre, fortiorẽ tamẽ nanciscitur Atlantẽ Te SZCZEPANOVIVM per quẽ ab infelici elevatur ruina, & in firmiori munifica manu roboratur statu. Quæ sivit anxio hic Conventus, quẽ collapsæ suæ reparatorem haberet Ecclesiæ, MICHAËLEM reperit, per quem Angelica fermè operatione, quia virtuali, Sacra sistitur Ædes. Thesaurum à quo inops ditaretur hoc Sanctuarium jam non cū accēsa Diogenis face meridianis temporis intervallô, sed cum nitente Dominici catuli Tæda tot Annorum lustris Bochnësis inquirebat Conventus, Constantini more penes. CONSTANTIÆ Nomen, Gasophilatium, sub SZCZEPANOVIA CRVCE feliciori reperit sorte, & fortunato stetit omine. Acerri-

E  
mus



mus pro Honore DEI MICHAEL SZCZEPA-  
NOVIUS honorem Ecclesiæ tuetur, dum  
releuat desolatā ut Sacrū habeat campū  
ubi DEI gloriā defendat Sacra sistit Æ-  
dem, in qua festiva resonet echo, quis ut  
DEUS. Fortis pro DEO Gladiator MI-  
CHAEL, suum hisce sacris lapidib9 in-  
cidit Nomen, quos in Sacra DEO exsci-  
dit Ædem. Verè Ternio Gratiarū Tua  
Gentilitia signatus Cruce, à qua favorē  
ipsa gratiosa in hoc residens sanctuario  
agnoscit Imago. In hac, Regiam libe-  
ralitatem (qua Pristinis temporibus hæc  
stetit ædes, ) juvante munificentia, quæ  
non eminet virtus? Ardet amor Superū  
quibus hoc pomposum MICHAEL di-  
cavit Templū ipse se pro primo litando  
holocausto. Ardet amor Cæli indigetū,  
quibus addictissimus magnam nova Sā-  
ctitatis redimitam Corona Sacri Prædi-  
catorū Ordinis & omniū Patronā D. de  
Monte Politano AGNETEM munifi-  
co & Magnifico in solenni ejus introdu-  
ctione veneratur aparatu, ut & Cælico-  
læ Ternionem Gratiarū Cruce SZCZE-  
PANOVA testentur & signatum. Ar-  
det



det amor proximi, quo erga immeritū de  
Te Bochnensē MICHAEL incalescis Cō-  
ventū, beneficia nisi ipso præmianda Cæ-  
lo largiendo. Pensat amicū Cælū tantos,  
Tibi SZCZEPANOVIO favores, cui in  
amicitiæ fædus magnam CONSTANTI-  
AM, pretiosum Domus FREZERORVM  
donavit clenodium. Ipsa hæc individua vi-  
tæ, comes verior Euphrosine debet coli.  
Mittit plures Cælum Gratias in SZCZE-  
PANOVIAM CRVCEM, quæ plures,  
quam trinas habere promeruit, dum non  
degenerem in vita & moribus progeniē in  
æstimando Filiorum habes binione. Flo-  
rentissima in illis, probitatis, modestiæ, pi-  
etatis indoles, quid est nisi magnum Tuæ  
gloriæ incrementum. Fidelis ad artes in-  
genuas in illis viget applicatio in morib9  
constantia, in gestibus affabilitas in omni-  
bus vera Tui Imago. Plura Tibi pensa-  
bunt Superi, quibus Tu tam multa impē-  
dis. Satis de Te dicere, quia SZCZEPA-  
NOVIVS es, qui in Domo Tua Illustrissi-  
ma, LVBOMIRSCIOS, SZEMBECI-  
OS, FREZEROS, BIELECCIOS, OGO-  
NOWSCIOS, JAROCCIOS, SPINKO-



VIOS, IERZEWSCIOS, BOROVSCIOS, ORLOVIOS, BYSTRAMOVIOS, & alios plurimos magnarum Familiarum splendores Genethliaco comprehendisti. nexu. Narrarunt & narrabunt de Illustrissima Domo Tua sæcula, quam ego in Te uno totam veneror. Tu ipse sedes gratiarum coli debes, ex cujus facie non una sed millenæ prodeunt gratiæ, sed dum hoc titulo SZCZEPANOVIAM veneror Crucem, Te idem concernit laudis Ethymus. Deberet longius ampla laudum Tuarum protendi materies, sed quia de Viro emerito, de Viro gratis, & virtutibus pleno, idest de Te, dicere nunquam satis, cessat calamus & Tibi in profundum Homagium cadit. Inclytus tantum Sacri Ordinis Prædicatorum Bochnensis Conventus, Te Benefactorem sui munificentissimum intimò veneratur votò: hoc Tibi quem Plinius Trajano adjiciendo elogium: in Tuis manibus nostram fortunam gestas, in quibus promptuarium nostræ felicitatis habemus: apprecando: ut qui munifico sumptu Sacras ex vetustis parietinis relevasti Ædes, ad summa altissimorum honorum eleveris fastigia, qui Sanctuarium titulò MARRIANO insignitum munificè stabilivisti dexterâ, ad Illustrissimos titulos assumaris, constantis fortunæ successu, longevæ incolumitatis prosperitate, Felix, Coventui Bochnensi in patrocinium, clientibus & Nominis Tui Cultoribus in præsidium VIVAS.





Biblioteka Jagiellońska



stdr0022417



